


MUCHA DI 12 AÑA A  
BENDE SU MAMA COMO  
ESCLAVO NA ARABENAN

PAGINA **11**



7 AÑA DI CASTIGO  
PA ASESINATO DI  
AMANTE

PAGINA **4**



# Hopi a ser tolera ayera den parlamento

BERDAD NUNCA A PER-  
JUDICA NINGUN HENDE  
NINGUN CAUSA NI NIN-  
GUN NACION

Bo Matutino  
Netamente Arubiano

DIASABRA 14 SEPTEMBER 1985 AÑA 4, No. 1422

## Mangele a crea monstruo den selva di Brazil



Ayera miembronan di medianan di comunicacion tabata huesped di Bredero na Aruba Caribbean Hotel unda splicacion a ser duna di trabaonan cu ta tumando lugar caba y tur locual lo ser haci pa renovacion di e hotel y expansion di esaki. Den e edicion di aw lo por lesa mas di esaki.

## 12 luna pa robo cu violencia

## Gobierno a rechaza documento di PDVSA oficialmente

ORANJESTAD(AAN)—Gobierno di Antillas a rechaza oficialmente e documento di PDVSA, segun un reaccion oficial cu a sali di e delegacion negociador. Di parti di Gobierno Central un contra proposicion a ser traha y discuti cu Gobierno Central y cu lo ser presenta na gobierno di Venezuela.

Segun e informacionnan ricibi, e siman aki e proposicionnan di PDVSA a ser rechaza caba durante e deliberacionnan cu a tuma lugar y cu ta ser spera na Curacao ariba un proposicion nobo di parti di e compania estatal petrolero venezolano.

Mescos cu tabata e caso na Curacao, asina cu a ser publica di e exigencianan di PDVSA, na Aruba tambe hopi hende a haya cu e exigencianan aki ta algo cu no por acepta. Den seno di gobierno central ainda ta biba e conviccion cu pa otro siman lo por yega na un acuerdo cu e venezolanonan.

E condicionnan di PDVSA tabata encera practicamente permisionan inlimita pa venezolanonan cu tin algo di haber cu e refinaria y cu nan por haci y deshaci practicamente locual nan kier ariba tur asunto financiero relaciona cu produccion y exportacion di productonan petrolero y cu un libertad casi completo di impuesto.

Di otro banda Shell tambe a recorda gobierno central cu traspaso di refinaria y otro empresanan di Shell mester ta tras di lomba pa mas tarda prome di october. Un proposicion di Shell pa bende gobierno SCNV y SCM pa e suma di un florin y bende Curacao Oil Terminal y SNAV pa 5.5 millon florin ta caduca pa mas tarda dia 20 di e luna aki. Director di Shell na Curacao a informa Prome Ministro di Antillas di esaki.